



# Idatcol

**Mecues vultesik.** Abdufiyison gu krijafe ie, idatcol ( *Canis lupus* ) va opranafa datuca ke arktikaxo metulegaweson exuler. Tuke belafa is kallakafa laniga va cug lokalaf sulem tere sye lajuebidur. Koe Lentefa Amerika, lani xali va 72 km- bad tanoy vielcek remlaniyir ; koe Kanada ari va milkava dem bedakol keno loon 300 km- laiteyer. Bat atelataraf govitopal remi toloya safta bal lanira kali tcedera ke tcabanera grugtiner. Mantode tir estupus : bad baroy bartiv, san-aluboy idatcol va accu ke tanoy bedakol vas 270 kg- koartokayad ! Idulugalon, va sinka vas 2 ik 4.5 kg- mialukon vieleon giraweyar.


Tod aultove dem wigva, idatcol ke ruga is tela ke taiga aala va arapeniwesa malesturinda dikid ; va sebadadunol is prokla is kabay ( tulon krido is termil ) is moukolam gralomed. Fentugalon, idatcol ke ruga, dem aftalukoptaf im, va bedakol dalon blidad. Va wigva narackad ise va tela loklaafa ok akolafa ok tounafa dilfud. Koe amerikafa aala, va wocol is cpogoloc dere malestud.

**Laiten !** Laiten gan ayik mali jontika decemda, idatcol koe Europa lokon al griawir. Voxe golde beya is prantuca, wan blir ; inafa ota vas vunta koe tamava zo uldiner, don mon lik koe Rossia. Valente bata patecta, idatcol kale kima ke naelaxo figir isen moe jontika ewata dum Vaygac is Kolguyev is Vrangl is Iyaxov is Novaya Sibir zo murobayar. Mali lekeugil, ayik va idatcol gu fortreyamaf is nyagaf is udutaf govitol torigir. Wori in malestusion anton aytar isen inafa linulara tir rotuvapafa. Darekeugalon idatcol dilfus va ayik ape tyiid bresitolakoles is gamdarulik vey vakol is idatcol. Neken, tod dikote wigva, idatcol va bonol ruzader ise va wigx guiner. Bandume jontikkane zo lagawalkopeyer : kan zelt is ikse is jiva is dace onkara kan kulirna. Tcabanestik jekun gan inaf myot tid blodaf gu inafa griawira.

**Abrotce :** 1.0 - 1.6 m- ( + ault vas 40 - 50 cm- ).  
**Aldo :** 27 - 54 kg- .  
**Upene :** 80 - 100 cm-



Idatcol va cpogoloc dilfutson al vanlarin. Voxen gadikya nimaftakison yateer. Idatcol mo! skaya ok onkara va wigva grabemer. Idatcolaf aples va bedakol sol tum jadion tsantsaater aze anamaturaze balier. Idulugalon meestyurini povi ke cewa rover da mayeol ok lerfaf rupol ok brestol ok pedraf zvert ( ininapikrafa barenis is gazaf kirz ) drikon malestudat.



Koinja ke idatcol ke ruga tir abrotcrafa vas 12 cm- is mantafa vas 9 cm-. Talteon abluwina ; roneon nadimena. Nijust soze diem 42 taiga. Idatcol kan tla is trika ke ault va inafa eruca kabudiner. Talteon drotera ; lteon grutiera ; roneon aulca.



Koe tanov, sye tijis polke lava, kiatcolya va 3 ik 6 oc bak alubeasat ok teveasat nazbar. Ba kobira, idatcoloc va vof lukeptarkaf myot di ise tir wakaf aze arti 9 ik 12 vielrafenur. Arti 45 viel zo ukoykar, isen alf aldoo arti balenoy aksat kam tir vas 14 kg-.

Xali vas tanoya tolonja is inaf oocem is aryon milgaf idatcol tis leon tandaf sye ruldar. Dile lanbane sulemye va rictula ke « okkil » inaled. Battize levernaf kiatcol kabdue an idatcol jvotnedison su seriyar, nedition da va inafa moemuca kaprupur num batkane pokoleson da me fu zo dilfur.

